



**L**eo à Spaur nobili loco ortus est in comitatu Tyrolēsi. Hic bonis literis operam dedit, atq; multis uirtutibus exornatus fuit. Cum itaq; Fridericus pius Cæsar antiquum Fauianorum Episcopatum restituere, & præposituram præsuli cōmittere statuisset, hunc Leonem primum episcopum eius loci constituit, atq; ei præposituram cum alijs monasterijs & ecclesijs certaq; ditiōe subiecit. Impetrauit etiā Fridericus ( qui & Austriæ archidux et Imperator erat) eiusdē ecclesię priuilegiū à Paulo 2 pontifice. Itaq; Leo magna diligentia noui Episcopatus res composuit, atq; ut pietas promoueretur, & uitia extirparentur egregiè cauit. Cum

hoc modo pergeret, immatura morte obijt, anno officij 5. Ut autem eius successores cognoscamus, eos subiicere placuit.